

Ота-онанинг фарзандига қилган дуоси тўсиқсиз қабул бўлади



14:07 / 31 май 2152

لَاقَ لَاقَ عَزِيْرُهُ يَبَا نَع
هُلَلَا يُّلَّصِ هَلَلَا لُؤْسَر
تَاوَعَدُ ثَالِثٌ مِّلَسَوِ هَيْلَع
نَهِي فُكَّشِ اَلِ تَابَا جَاتُ سُم
ةُ وَّعَدَوِ مَوْلُ ظُمْلَا ةُ وَّعَد
يَلَعِ دِلَاوْلَا ةُ وَّعَدَوِ رِفَا سُمْلَا
يَهْدَلَوِ

Абу Ҳурайрадан ривоят қилинади:

«Расулуллоҳ соллаллоҳу алайҳи васаллам: «Уч дуо мустажобдир. Уларда шак йўқ: мазлумнинг дуоси, мусофирнинг дуоси ва ота-онанинг фарзандига дуоси», дедилар».

Шарҳ: Демак, зулм қилишдан ва мазлумнинг дуойибадига учрашдан эҳтиёт бўлиш лозим. Имкони бўлса, мазлумларга ёрдам бериб, уларнинг хайрли дуосини олишга ҳаракат қилиш керак.

Шунингдек, мусофирларга ёрдам бериб, кўнглини кўтариш, сафарда ҳожатманд бўлиб юрган пайтларида уларнинг дуосини олиб қолиш яхши.

Энг муҳими, ота-онанинг дуосини олиб қолиш керак.

Ота-онанинг дуосини олиб, қарғишидан эҳтиёт бўлиш ҳар бир фарзанд учун ғоятда муҳимдир. Бу маъно кейинги саҳифаларда батафсил баён қилинган.

Мусофир одам ҳам ўзининг сафардаги ҳолати ила Аллоҳ таолога яқин бир вазиятга ўтиб қолади. Шунинг учун унинг дуоси ҳам қабул бўлиши аниқ бўлиб қолади.

Мазлум одам зулмда қолгани туфайли Аллоҳ таолога илтижоси кучайган ва дуоси мақбул бўладиган бўлиб қолади.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: «Уч тоифанинг дуолари рад қилинмас: рўзадорники то оғзини очгунича; одил имомники; мазлумники. Мазлумнинг дуосини Аллоҳ булут устига кўтаради ва унга осмон эшикларини очади. Сўнгра Робб: «Иззатим ила қасамки, сенга кейинроқ бўлса ҳам нусрат берурман», дейди», дедилар».

يٰۤاَيُّهَا الَّذِيْنَ اٰمَنُوْا
مِّنْ اٰيٰتِ رَبِّكَ
نُيُوبًا ۗ وَمَا يَنْبَغِيْ
لَكَ اَنْ يَّكُوْنَ
فِيْ رِجْلِكَ
خَالِدًا ۗ

عَدَاهُ شِئْءٌ اِلَّا بِاِحْسَانٍ وَزَعَمَ هَلْ لِي عَدُوٌّ، هَلْ لِي اِلَّا هَلْ اِلَّا نَأْ يَدِلْ اَوْلَا

Мужоҳиддан ривоят қилинади:

«Набий соллаллоҳу алайҳи васаллам: «Ҳар бир нарса билан Аллоҳ азза ва жалланинг орасида парда бор. Фақатгина «Лаа илааҳа иллаллоҳ» шаҳодати ва ота-онанинг дуоси бундан мустасно», дедилар».

Шарҳ: Мана шунинг учун ҳар бир мўмин-муслмон «Лаа илааҳа иллаллоҳ»ни тарк этмаслиги, шунингдек, ота-онанинг дуосини олишга ҳаракат қилиши керак. Ана шунда жуда улӯф ва буюк бир фазлга, марҳаматга, бахтга, саодатга сазовор бўлади.

اَلْـدِّـلْ اَوْلَا عَدُوٌّ : لَاقِيْـدِهْ اِحْسَانٌ نَع لَّـجَّ وَزَعَمَ هَلْ لِي اِلَّا نَعُ بَجْحَت

Мужоҳиддан ривоят қилинади:

«Ота-онанинг дуоси Аллоҳ азза ва жалладан тўсилмайди».

Шарҳ: Яъни ота-онанинг фарзандига қилган дуоси тўсиқсиз қабул бўлади. Шунинг учун фарзанд ота-онадан яхши дуо топиш пайида бўлиши, Аллоҳ сақласин, ёмон дуо қилишларига сабабчи бўлиб қолмаслиги керак.

لُجَرَ نَاكَ : لَاقِيْـنَ سَخْلًا نَع هَلْ تَنَاكَ مُمْكَلٌ بَقِيْ نَمَم

ي ف ي ل ص ي ن ا ك و ، ء د ا ب ع
ه م ا ه ت ت ا ف ، ه ل ب ا ر ح م
ر ظ ن ي ف ، ه ي د ا ن ت ت ل ع ج ف
ا ي ، ي ر ج ا ي : ت ل ا ق ف ، ا ه ي ل ا
ي م ا و ي ت ا ل ص : ل ا ق . ي ر ج .
ن م ه ت ا ل ص ع ط ق ي ن ا ه ر ك ف
ت ع د ف ت ب ض ع ف ، ه م ا ل ج ا
ا ل م ه ل ل ا : ت ل ا ق ف ه ي ل ع
ه م ي ق ت ي ت ح ا ي ر ج ن ت ي م ت
ع ا ر ن ا ك ه ن ا و . ه ا ن ز ل ا م ا ق م
، ه ي ر ب ي ف ه ل ا م ن غ ي ع ر ي
ر ا غ ي ف ل خ د ي س م ا ا ز ا ف
، ه ا ر م ا ح ك ن ه ن ا و ، ه ي ف ن ا ك ف

لِيَقِ اهْتَدَالًا وَنِيحَ نَاكَ أُمَّ لَفِ
تَلِاقٍ؟ أَذِهِ كُذِّلَ وَنَمِّمِ :أَهْلِ
يَرْجَعُ يَتَأَهُنَّ أَوْ يَرْجِعُ نَمِ
:أُولَاقِفِ؟ مُمْكُنْ أَشْ أُمَّ :لِاقِفِ
، أَنْتَ جَاحَ تَنْ أَوْ ، أَنْتَ أَشْ تَنْ أَوْ
:يَرْجَعُ لِاقِفِ . أَنْتَ بَلَطَ تَنْ أَوْ
. كُنْ نَمِ :تَلِاقٍ؟ أَذِهِ كُذِّلَ وَنَمِّمِ
. مَعَنْ :تَلِاقٍ! يَنْ مِ :لِاقٍ
هَبِ أَوْ قَلَطَنْ يَنْ أَوْ دَارَافِ
مُمْكُنْ دِشَنْ أَوْ :لِاقِفِ ، هُوسِ بَحْيَلِ
يَنْ وَمُتَرْظَنْ أُمَّ لِهَلِ لِبِ
يَبَرُوعِدَا أُمَّ يَكِلِ يَلِ لِ
، يَلِ لِ هُورَظَنْ أَوْ . هُلسَ أَوْ

يَتَأْتِيهِمْ نَارٌ مِنْ أَوْيَاهُمْ مَكْمُولَةٌ هَلْ لَهَا
إِذَا هِيَ لِيَقْفِ مِثْلَ مَا يَفِي
يَفِي نَعْمَ طَافُ سَائِلًا غَمَّتْ جَا
أَهْتَبِي أَلْقِ وَهْ أَرْمَلًا نَطَبُ
نَمُّ وَآتَتْ نَأْمٌ هَلْ خَسِلًا
كَلُّ لَوْ قِيَسُ هُنَّ إِفْ؟ كُؤْبَاءُ
غَمَّتْ جَافٌ لَأَقِ مِثْلَ غَيْرِ عَارِي بَأُ
نَعْمَ طَافُ يَرْجَحُ دَمَعًا فُ سَائِلًا
لَأَقِ فِ هْ أَرْمَلًا نَطَبُ يَفِي
نَمُّ يَمْلِكُ كَتُّ هَلْ خَسِلًا أَهْتَبِي أَلْقِ
يَبَأُ لَأَقِ؟ كُؤْبَاءُ نَمُّ وَآتَتْ نَأْمٌ
نَسَخَلًا لَأَقِ مِثْلَ غَيْرِ عَارِي
مَلْ أَدُولُ وَمَنْ نَأْمٌ يَلْ رَكُودٌ

هُرَيْرِي غَرِّمُ أَنْ طَبَّي فِ مَلَكَاتِي مَيْرَمَنْ بَا سِي عَزِي غَو

Ҳасандан ривоят қилинади:

«Сизлардан олдин ўтганлардан бир киши бўлган эди. У доимий ибодатда эди. Ўзининг меҳробида намоз ўқирди. Бир куни онаси келиб, уни чақирди. У онасига қаради. У (онаси): «Ҳой Жарий! Ҳой Жарий!» деди.

У «Намозимми, онамми?» деб иккиланди. Онаси учун намозни бузгиси келмади. Шунда онанинг ғазаби чиқди ва уни қарғаб, «Аллоҳим! Жарийни зинокорлар мақомида турғизмагунингча ўлдирмагин!» деди.

Бир қўйчивон ҳам бор эди. Қўйларини саҳрода боқиб, кечаси ғорда ётар эди. У бир аёл билан бирга бўлди. Аёл туғадиган бўлганда унга: «Бу боланг кимдан?» дейишди. У эса: «Жарийдан», деди. Жарийнинг олдига боришди. У: «Нима ишингиз бор?» деди. «Ишимиз сенсан! Ҳожатимиз сенсан! Талабимиз сенсан!» дейишди. Жарий (аёлга): «Боланг кимдан?» деди. «Сендан!» деди хотин. «Менданми?!» деди. Аёл: «Ҳа!» деди. Уни олиб бориб қамамоқчи бўлишди. Шунда у: «Аллоҳ ҳаққи, менга бир неча кун муҳлат беринглар. Роббимга дуо қилиб, сўраб олай», деди. Унга бир неча кун муҳлат беришди. Неча кунлигини Аллоҳ билади. Унга тушида: «Одамлар тўпланганда хотиннинг қорнига бир ниқтагин-да, «Ҳой ҳомила, сен кимсан [ёки отанг ким]?» дегин. Шунда у: «Отам қўйчивон», дейди», дейилди.

Одамлар тўпланишди. Шунда Жарий хотиннинг қорнига бир ниқтаб, «Ҳой ҳомила, қани гапир-чи, сен кимсан, отанг ким?» деди. Шунда (Она қорнидаги ҳомила) «Отам қўйчивон», деди».

Ҳасан айтади: «Менга шу бола билан Ийсо ибн Марямдан бошқа ҳеч ким онасининг қорнида гапирмагани зикр қилинди».

Шарҳ: Бизлардан олдин ўтганлардан, яъни мусулмон умматидан аввалги ўтган умматлардан бирининг ичида бир одам бор экан. Ўша одам ўзининг

серибодат эканлиги билан ном чиқарган экан.

Ўзининг бир намозхонаси, меҳроби бор экан. Доим ўша ерда намоз ўқиб вақтини ўтказар экан. Бир куни онаси келиб, уни чақириб қолибди. Қараса, онаси: «Ҳой Жарий!» деб уни чақиряпти. Демак, ҳалиги одамнинг исми Жарий экан. Шунда у: «Намоз ўқияпман, бир томондан онам чақиряпти. Нима қилсам экан?» дебди-да: «Кел энди, онам учун намозимни бузмай», деган хаёлда намозида давом этибди.

Шунда онанинг ғазаби чиқибди-да, боласини қарғаб: «Аллоҳим, шу ўғлим Жарийни зонийларнинг мақомида турғизмагунингча ўлдирмагин», деб дуо қилиб юборибди...

Мазкур ривоятда обид, ибодат қилиб турган ҳалол-пок одам намозни ўқиб олай, деб онасининг чақириғига вақтида жавоб бермаганлиги учун онанинг ғазабланиб қилган дуоси юзага чиққани, тухматга қолгани, ҳар хил гаплар тарқалгани, лекин поклиги эвазига Аллоҳ таоло уни бадномликдан сақлаб қолгани ҳикоя қилинмоқда.

Демак, оналарнинг дуолари ана шундай нозик даражада экан. Шунинг учун оналар ҳам болаларнинг ҳаққига ҳар хил салбий маънодаги дуоларни қилиб юборишдан эҳтиёт бўлишлари керак.

لَا أَقْنَأُ رِجْلَهُمْ نَبِيٍّ مُّزَحِّ نَع
، نَسَخُ لَأَسْ أَلْجَرُّ تُعَمَس
أَمْ، دِيْعَسْ أَبَا أَي: لَأَقَف
دِلْ أَوْلَا، عَاْغُدِي فُلُوقَت
لَأَقَو، ءَاجَن: لَأَق؟ هِدَلَوْل
عَفْرِي هُنَّ أَك - أَذْكَه هِدِي ب

أَمْ فَلَاقٍ - ضُرَّ أَلَا نَمَ أَيُّ يَش
فَلَاقٍ؟ هِيَ لَعُ هُؤَاغِد
- هِدَيِّ بَلَاقٍ وَهُوَ أَصْنَى تَسَا
- أَيُّ يَشُ ضُفَّ خِي هُنَّ أَكْ

Ҳазм ибн Меҳрондан ривоят қилинади:

«Ҳасандан бир кишининг сўраганини эшитдим: «Эй Абу Саъид!
Отанинг боласи ҳаққига қиладиган дуоси тўғрисида нима дейсан?»
деди. «У нажотдир», деди ва «бундай», деб қўли билан ердан бир
нарсани кўтаргандек қилиб кўрсатди.

«Унинг зиддига қилган дуоси-чи?» деди. «Таг-туғи билан
қўпорилишдир!» деди ва қўли билан бир нарсани ерга
пастратгандек қилиб кўрсатди».

Шарҳ: Демак, отанинг яхши дуоси – фарзанднинг нажоти, унинг юқори
даражаларга кўтарилишига сабаб экан. Отанинг қарғиши эса фарзанднинг
таг-туғи билан қўпорилишига, тупроққа қорилишига сабаб бўладиган
ҳолат экан.

Шунинг учун фарзандлар ҳар доим ота-онанинг яхши дуоларини олиш
пайдан бўлиб, дуойи бадидан эҳтиёт бўлиб, қўрқиб юришлари лозим. Ота-
оналар ҳам ҳар доим фарзандларига яхши дуо қилиш пайдан бўлиб,
иложи борича уларни қарғашдан, уларнинг ҳаққига дуойи бад қилишдан
четда бўлишлари лозим бўлар экан.

فَلَاقٍ: لَقَاقٍ هِيَ لَعُ هُؤَاغِد
هَلَلَا يَلَّصَ هَلَلَا لُؤَسَر

تَاوَعَدُ ثَالِثٌ مِّنْ سَوِيْلَعِ يَفْشِكُ شِئْرَ اَلِ تَابِ اَجْتَسُمِ ، هِدَلَوِ يَلَعِ دِلْ اَوْلَا ؕ وَّوَعَدُ : كِلْ لَذِ ءَ وَّوَعَدَوِ ، لِدَاغِلِ اِمَامِ اِلْ ؕ وَّوَعَدَوِ يَرْفِ اِسْمُ اِلْ

Абу Хурайрадан ривоят қилинади:

«Расулуллоҳ соллаллоҳу алайҳи васаллам: «Уч дуо мустажобдир. Бунда шак йўқ. Отанинг боласига дуоси, одил имомнинг дуоси ва мусофирнинг дуоси», дедилар».

Шарҳ: Яъни уч дуо борки, уларнинг қабул бўлишида ҳеч қандай шак йўқ, шубҳа йўқ.

Биринчиси – ота-онанинг фарзандига қилган дуоси.

Ота-она боласи учун қандай дуо қилса, ҳеч бир шубҳасиз қабул бўлар экан. Шунинг учун фарзанд доимо ота-онанинг яхши, хайрли дуосини олишга ҳаракат қилиши, ота-она эса ҳар доим хайрли дуо қилиб, дуойи бад қилишдан ўзини сақлаб, фарзандидан маълум бир хатолар ўтса, камчиликлар содир бўлса, сабр қилиб, ёмон дуо қилишга шошилмасликлари керак бўлади.

Иккинчиси – адолатли имомнинг дуоси.

Адолат қилиш улуғ фазилатдир. Адолат соҳиби ҳам фазилатли инсон бўлиши турган гап. Адолат йўлидаги хизмат Аллоҳ таолонинг бандаларига яхшилик қилиш йўлидаги хизматдир. Шунинг учун ҳам адолатли имомнинг дуоси мустажоб бўлади. Бинобарин, ҳар бир киши адолатли имомнинг яхши дуосини олиб қолишга ва ёмон дуосидан сақланишга ҳаракат қилиши лозим.

Учинчиси – мусофирнинг дуоси.

Мусофир инсоннинг ҳам дуоси қабул бўлар экан. Чунки сафарда юрганда Аллоҳга яқин бўлади, аҳл-аёлдан, қавм-қариндошдан, бошқа қулайликлардан ва ўрганиб қолган жойларидан узоқда, маълум бир қийинчиликни зиммасига олиб, Аллоҳ таолога таваккул қилиб юрган бўлади. Ўша вақтда банданинг Аллоҳга яқинлиги кучли бўлади. Шунинг учун соф қалбли, ибодатли, эътиқодли, Аллоҳ таолонинг айтганини қилиб юрган, шариатни маҳкам тутган мусофирнинг дуоси мақбул.

Мусофирларга нон-сув бериш, уларга ёрдамдан бўйин товламаслик мўмин-мусулмонларга одат бўлганлигининг сабаби ҳам шудир. Мусофирнинг дуосини олиб қолиш, унинг кўнглини қолдирмаслик, дуойи бадига учрамаслик учун мўмин-мусулмонлар ҳамиша мусофирларга яхши муомала қилиб келганлар. Уларга ўз уйларидан жой берганлар. Ўзлари емай, уларга едирганлар. Мусофир муҳтож бўлган барча ёрдамларни беришга уринишган ва ҳоказо.

Мана шу уч дуодан ниҳоятда эҳтиёт бўлиш керак. Шу уч тоифадан фақат яхши дуо олишга ва уларнинг ёмон дуосидан эҳтиёт бўлишга ҳаракат қилиш керак.

Ушбу ҳадисдан олинадиган фойдалар:

1. Дуоларнинг ичида шак-шубҳасиз қабул бўладиганлари борлиги.
2. Ота-онанинг фарзандига қилган дуоси шубҳасиз қабул бўлиши.
3. Одил имомнинг дуоси шубҳасиз қабул бўлиши.
4. Мусофирнинг дуоси шубҳасиз қабул бўлиши.

هَيِّبَا نَعِي دَمْحُم نَبِ رَفْعَج نَع
بِاجَتْسِي آلُة ثَالِثَ لَاق
يَذَى لَعِ وُعَدِي لُجْرَلَا مُهَل

أَهْتَ لَصَبٍ رَمُؤْ دَقَوِ وَهَمْ حَرِ
نَأْهِتَ أَرْمِا يَلَعِ وَغَدَيْ لُجْرَلِا
لَعَجْ دَقَوِ ، أَهَنْمُ هَلْ لَأْ هَ حَيْرِي
لُجْرَلِا ، هِدَيْبِ أَهَقِ لَطُ هَلْ لَأْ
لُجْرَلِا يَلَعِ لَأْمُ لَأْ هَلْ نُؤْ كَيْ
دَهْ شَيْ أَلَوُ بُتْ كَيْ أَلَفِ .

Жаъфар ибн Муҳаммад отасидан ривоят қилади:

«Уч тоифа одамнинг дуоси қабул бўлмайди: ўз қариндошининг зиддига дуо қиладиган одамнинг, ҳолбуки, унга силаи раҳм қилиш буюрилган эди.

Бир киши хотинини дуойи бад қилиб, Аллоҳдан ўзини ундан қутқаришини сўрайди. Ҳолбуки, Аллоҳ унинг қўлига анинг талоғини бериб қўйибди.

Бировнинг зиммасида моли бор-у, уни ёзмаган ва гувоҳи ҳам йўқ одамнинг».

Шарҳ: Бу ривоятдан ўзаро яқин ва бир-бирида ҳаққи бор кишиларнинг дуойи бадлари қабул бўлмаслигини билиб оламиз. Мисол тариқасида улардан уч тоифаси зикр қилинмоқда.

Биринчиси – ўз қариндошининг зиддига дуо қиладиган одамнинг дуоси қабул бўлмайди.

Қариндошлик бурчи, вазифаси юзасидан, Аллоҳ таолонинг амрига кўра бу кимса унга силаи раҳм қилиши, яхшилик кўрсатиши керак эди. Бу одам эса қариндошининг зиддига дуо қиляпти. У Аллоҳ таолонинг амрига хилоф иш

қилгани учун дуоси қабул бўлмайди.

Иккинчиси – бир одам ўз хотинини дуойи бад қиляпти. «Аллоҳим, шундан мени қутқаргин», деяпти. Бу одамнинг ҳам дуоси қабул бўлмайди. Чунки Аллоҳ таоло унинг қўлига талоқни бериб қўйган. Хоҳламасанг, қўйвор, уни қарғаб нима қиласан?! «Аллоҳим, буни олгин, мени бундан қутқаргин», дейишнинг нима кераги бор? Аллоҳ сенинг қўлингга талоқни бериб қўйибди. Бировни қарғаб, унга ёмонлик тилаб дуо қилишдан кўра, шундай номаъқул даражага етган бўлсанг, ажраш, аёл ҳам ўз кунини кўрсин.

Демак, осон йўли бўла туриб, бировга ёмонлик тилаб дуо қилиш ҳам дуонинг қабул бўлмаслигига олиб келар экан.

Яна бошқаси, яъни бошқа бировга қарзга мол берган одам бор экан. Ўша қарзни ёзиб ҳам қўймаган, гувоҳ ҳам қилмаган. «Молимни еб кетди», деб шикоят қилиб, дуойи бад қилиб юрибди. Ахир буни ёзиб қўйса бўлармиди?! Гувоҳ бўлса, гувоҳ билан бориб сўрайсан. Ёзиб қўйган бўлсанг, ёзганингни кўрсатиб, «Мана, қарзингга имзо қўйгансан, бер», дейсан. Демак, чорасини, тадбирини кўрмай туриб, орқасидан дуойи бад қилиш ўринсиздир.

Мана шу ерда ота-оналарга бир ишора бор: болаларингизнинг ҳаққига дуойи бад қилмангиз, чунки улар ўзингизнинг болаларингиз. Уларга доим яхшилик қилиш, тарбия бериш сизларнинг ўзларингизга топширилган эди. Энди боладан бир нарса ўтаётган бўлса, ўзингизда ҳам бир гап бордирки, мана шу нарса келаётгандир...

Ушбу ривоятдан олинадиган фойдалар:

1. Дуоси қабул бўлмайдиган одамлар борлиги.
2. Қариндоши зиддига қилинган дуо қабул бўлмаслиги.
3. Қариндошларга силаи раҳм қилиш зарурлиги.
4. Эрнинг хотини зиддига қилган дуоси қабул бўлмаслиги.
5. Бировга қарз бергандан сўнг уни ёзиб қўймаган ёки гувоҳ қилмаган одамнинг қарздорнинг зиддига қилган дуоси қабул бўлмаслиги.
6. Қарз олди-бердисини ёзиб қўйиш ва бу ишни гувоҳлар иштирокида қилиш кераклиги.

«Яхшилик ва силаи раҳм» китоби 1-жуз.

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7613-рақамли хулосаси асосида тайёрланган.